



Universitätsbibliothek Paderborn

**Dictamen Illustrissimi ac Reverendissimi P. Mag. Fr.
Gabrielis Adarzo de Santander, Episcopi Viglevanensis,
Ad Interrogata respondens Circa Exclusivam, quandoque
à Principibus interpositam, ne ...**

Adarzo, Gabriel

Francofurti, 1660

[§. IV.] Diligentiae à Sacris Electoribus adhibendae ante Electionem pro
obtinenda notitia sufficienti de digniore & indigno.

urn:nbn:de:hbz:466:1-10517

§. IV.

*Diligentia & necessario adhibenda à Sacris Electori-
bus ante Electionem , pro obtainendâ suffi-
cienti notitia de indigno & de
digniore.*

Ad quæstionem ergo accedendo : supposito quod Eminentissimi Cardinales, ex vi sui munera electoralis, tenentur sub poena damnationis æternæ, suffragium dare magis digno , attentis circumstantijs præsentis indigentiae universalis Ecclesiæ, cui providendum est de Pastore:

Dico primò: Eminentissimi Electores, quando¹² proximè sunt ad Electionem, tenentur altâ mente perpendere, qualis sit præsens necessitas Ecclesiæ universalis, ut eidem valeant de magis digno providere Pastore. Hæc conclusio est clara , & deducitur ex dictis.

Dico secundò : tenentur etiam omnem diligenciam adhibere ut perfectam consequantur notitiam de qualitatibus, moribus & affectionibus, tam publicis quam privatis eorum, qui circumferuntur proximiores Electioni passivæ. Probatur ; quia si id omitterent , præsumeretur , eos velle cæciter

K 3 proce-

procedere, & consequenter culpabiliter in negotio
gravissimo, quod absit.

*Si adest Exclusiva, audiri & excipi
debet.*

14 **D**ico Tertiò, licetè possunt, immò debent Eminentissimi Electores audire Ministros Principis Exclusivam repræsentantis.

Probatur; nam Electores ratione sui muneris sunt Judices de majori dignitate eligendi ; Ergo debent habere notitiam perfectam, non in abstracto, & in genere de qualitatibus constituentibus majorem dignitatem, & de vitijs eam evertentibus, sed debent habere notitiam in cōcreto de illis, hoc est, de eo, quòd Cajus (quem eligere desiderant) habeat prædictas bonas qualitates, & careat vitijs nocentibus hic & nunc : Tunc sic; sed de eo, quòd Cajus careat vitijs contrarijs bonis illis qualitatibus hic & nunc desideratis, non est facile, immò est difficile, habere perfectam notitiam, si elector tantum innitatur communi & familiari confuetudini: & ex aliâ parte, facillimum est illam habere, si audiat Exclusivam repræsentantem. Ergo tenetur elector, nec cæciter & culpabiliter procedat, audire Ministros Exclusivam inter-